

procerum, sub eo cuteus nervus, quem velut ex vagina exerere, rursusque contrahere videtur. *Oculi* ad latera ubi angustum valde caput, velut in fovea quadam latent. Foramina olfactui destinata, supra os coeunte extremitate haerent, auditui inservientia oculis sunt contigua. Pinnas ex icone cognosces.

PVNCTVM X.

De Squatina.

TAB. XI. 7. *Squatina* piscis, *ῥιν* Graecis, *Squa-*
TAB. XII. 6. *tus*, quod sit squammis acutis, Isidoro, *Lima Vallae*, *Celtes* in veteri lexico, dicitur. Media inter Mustelos & Planos a Rondeletio ponitur. Magnitudine ad centum sexaginta saepe libras excrescit. Coloris est prone cinerei ad fuscum vergentis, asperrima: ut *cute lignum et ebur poliantur, supine alba et laevis. Partem corporis anteriorem habet latam, circularem, retusam, ut *rostro* prorsus careat. Os prima parte obvium, brevibus sed acutissimis, iisque aliter quam in aliis piscibus dispositis *dentibus* munitum. Maxillarum ossa in angulum obtusum desinentia, in lingua extrema carneum tuberculum. Ex superioris maxillae extremo, quod cute non integitur, apophyses duae in alias divilae demittuntur. Post oculos, qui in superioris capitis parte, ad latera parvi, foramina ad os usque patentia visuntur. *Pinnae* utrinque binae sunt, et utraeque in lateribus. *Cauda* longiuscula in aliam lunatam pinnam definit. *Mares* a foeminis appendicibus cartilagineis, quae circa anum, distinguuntur. Intra nihil a caeteris cartilagineis differt. *Hepar* habet in duos lobos divisum, in quo *fellis* vesica ^a felle viridi plena latet. *Lienem* mediocrem ex rubro nigricantem. *Cor* angulatum, compressum, et unico sinu instructum. De dentium situ ita Rondeletius, sunt eorum ordines, etc.

^a Aristot. H. A. l. 2. c. 25.

^b Oppian. Hal. l. 1. v. 380.

^{*} Plin. H. N. l. 9. c. 51.

Coenosa incolere *loca* ^b Oppianus prodidit, in alto versari apud Rondeletium legitur. *Coit* etiam ^{*} cum

Raja. Sic *ῥινόβατος* * nascitur, inter se mutuo partim supinarum attritu. Bis ^e parit autumnu occasu vergiliarum, qui partus secundus est; primus enim verno fit tempore; sed secundus felicior. Singulis foetibus septeni aut octoni prodeunt. Singulis et his in venando astus est. Ob-ruunt se arena, sic latentes verberant oris vi radios (pinnas exerere vermiculorum specie apud Plinium extat) his pisciculi visis, quasi ad algam adnatant, sic capiuntur. Colorem mutare et piscium quidem solas, prodidit ^e Aristoteles; quod nec corpore sint pellucidae, nec cute ita tenui, ut humorum spirituumque perturbatione varii earum colores perluceant, negavit Rondeletius. Concedi in metu potest. Nam et tum in hiatum pinnis subiectum recipiuntur foetus, ut apud ^f Oppianum legimus, in ventrem recipi ^g Aldrovandus credidit. Reji- ciuntur a *mensis*, quod flatuum cras- forum humorum proventum, quod cartilagineis omnibus commune, proferant. Unde oculorum acies obtunditur. Olim Smyrnae secundum Dorionem, Mileti secundum Arcestratum ortae, caeteris praeferebantur. In *Medicina* invenere in tertio tabis genere locum. Oleum ex hepate ad hepatis duritiem confert. Ova exsiccata sistendo alvi profluvio. Ex cute optimum fit in psora et scabie sinegma. Illitae mammas crescere non patiuntur, si ^b Plinio fides est; duriusculas reddi, utrumque experientiam comprobasse, Rondeletius author.

^{*} Arist. H. A. l. 6. c. 11.

^e Aristot. H. A. l. 6. c. 11.

^d Aristot. H. A. l. 5. c. 9.

^e Aristot. H. A. l. 9. c. 37.

^f Oppian. Halient. l. 1. v. 742.
^g Aldrov. de Piscib. l. 3. c. 66.

^h Plin. H. N. l. 27. c. 10.

PVNCTVM XI.

De Squatino raja et Lamia.

TAB. XII. 12. *Piscis* qui *SQVATINORAJA* dicitur Latinis, Graecis *ῥινόβατος* ex Squatina et Raja procreatus creditur. Parte priore Rajae similem facit ^a Aristoteles, posteriore Squatinae. Ab-

^a Aristot. H. A. l. 6. c. 10.

surdum id Rondeletio, quod et Philosophus dubius pronunciet, et ex Galeno ^b fieri secundum naturam non posse, ut tantopere dissidentia corpora commisceantur didicerimus. Stant tamen

^b Galen. 3. de usu parti.